

ОСНОВНЫЕ ТЕКСТЫ СЛУЖБЫ И ПЕСНОПЕНИЯ ДЛЯ ОБЩЕНАРОДНОГО ПЕНИЯ

Неделя 20-я по Пятидесятнице, глас 3

ПАМЯТЬ СВЯТЫХ ОЦЕВ VII ВСЕЛЕНСКОГО СОБОРА. ИВЕРСКОЙ ИКОНЫ БОЖИЕЙ МАТЕРИ

Мч. Карпа, еп. Фиаатрийского, Папильдиакона, Агафодора и мц. Агафоники (251). Мч. Флорентия (I-II). Мч. Вениамина диакона (421-424). Прп. Никиты исп. Прп. Вениамина Печерского (XIV). Свт. Мелетия, патриарха Александрийского (1601). Воспоминание чуда вмц. Златы (Хрисы) в Скопье (1912). Сщмч. Иннокентия и Николая пресвитеров (1937). Обретение мощей сщмч. Фаддея, архиеп. Тверского (1993).

ВСЕНОЩНОЕ БДЕНИЕ

БЛАГОСЛОВИ, ДУШЕ МОЯ, ГОСПОДА, Благословен еси, Господи./ Господи, Боже мой, возвеличился еси зело./ Во исповедание и в велелепоту облелся еси./ Одейся светом, яко ризою, простираяй небо, яко кожу. / Дивна дела Твоя, Господи./ Яко возвеличишася дела Твоя, Господи, вся премудростию сотворил еси./ Слава Ти, Господи, сотворившему вся.

БЛАЖЕН МУЖ, иже не иде на совет нечестивых. Аллилуиа, Аллилуиа, Аллилуиа.
Яко весть Господь путь праведных, и путь нечестивых погибнет. Аллилуиа (трижды)
Работайте Господеву со страхом и радуйтесь Ему с трепетом. Аллилуиа (трижды)
Блажени вси надеющиеся на Нань. Аллилуиа (трижды)
Воскресни, Господи, спаси мя, Боже мой. Аллилуиа (трижды)
Господне есть спасение, и на людех Твоих благословение Твое. Аллилуиа (трижды)
СЛАВА, И НЫНЕ: Аллилуиа (трижды)
Аллилуиа, Аллилуиа, Аллилуиа. Слава Тебе Боже (трижды)

ГОСПОДИ, ВОЗВАХ К ТЕБЕ, услыши мя./ Услыши мя, Господи.

Господи, возвах к Тебе, услыши мя:/ вонми гласу моления моего,/ внемди возвати ми к Тебе.// Услыши мя, Господи.

Да исправится молитва моя,/ яко кадило пред Тобою,/ воздеяние руку мою/ – жертва вечерняя.// Услыши мя, Господи.

Изведи из темницы душу мою, // исповедатися имени Твоему. [СТИХИРЫ ВОСКРЕСНЫЕ, ГЛАС 3]:

Твоим Крестом, Христе Спасе, / смерти держава разрушится, / и диаволя прелесть упразднится, / род же человеческий, верою спасаемый, // песнь Тебе всегда приносит.

Меня ждут праведницы, // дондеже воздаси мне.

Просветишася всяческая / Воскресением Твоим, Господи, / и рай паки отверзется, / вся же тварь восхваляющи Тя, // песнь Тебе всегда приносит.

Из глубины возвах к Тебе, Господи, // Господи, услыши глас мой.

Славлю Отца и Сына силу, / и Святаго Духа пою власть, / нераздельное, несозданное Божество, / Троицу Единосущную, // царствующую в век века.

Глас 5: Да будут уши Твои // внемлюще гласу моления моего. [СТИХИРЫ БОГОРОДИЦЫ]:

Красуйся, Афоне, / радуйся и веселися, обитель Иверская: / се бо грядет чудная икона Богоматере, / Ангелы по морю доносиима, / светом неизреченным сияющи, / мрак скорбей и печалей прогоняющи // и всех лучами своея милости озаряющи.

Аще беззакония назириши, Господи, Господи, кто постоит? // Яко у Тебе очищение есть.

Тебе припадают, Госпоже, / иноков лица и постников сословия / и, любезно взирающе на святую икону Твою, вопиют Ти: / прииди к нам, Благая Мати, / ущедри чтущия Тя / и даруй нам святой образ Твой // в залог милости и спасения.

Имене ради Твоего потерпех Тя, Господи, потерпе душа моя в слово Твое, // упова душа моя на Господа.

О преславнаго чудесе! Якоже бо Моисею в Синаи купина явися иногда, / огнем убо опаляема и невредима пребывши, / сие и Всенепорочныя Богородительницы образ огнем одеваема, но неопалим пребывает, / просвещая и нас, сущих во мраке, // и невредимы в пещи искушений и бед сохраняя.

Глас 6: От стражи утренния до нощи, от стражи утренния, // да уповаёт Израиль на Господа. *[СТИХИРЫ СВЯТЫХ ОТЦОВ VII ВСЕЛЕНСКОГО СОБОРА]:*

Честныя Соборы отцев / в разная времена составив, / во единому соборá едином и темже правилом / зело добре Патриарх Герман Новый, / пиша купно же и держа догматы сих, / иже и молитвенники бодрственныя сия спасения // Господу предлагает, и пастве с пастыри.

Яко у Господа милость, и многое у Него избавление, // и Той избавит Израиля от всех беззаконий его.

Закона писание детем еврейским положи честную седмицу, / сени придерживающимся и служащим сей, / юже отцы, стекшеся на седмом соборе манием Божиим, / в шести днех все сие совершившаго, / и седмый благословившаго, // честнейшую соделаша, предел веры изложивше.

Хвалите Господа вси языцы, // похвалите Его вси людие.

Троицу, всем от вещей / миробытия сущую вину, / ясно предасте, треблаженнии отцы: / Три бо и четыре соборы, таинственнейшим словом положивше, / и отмстители явльшеся православнаго слова, / стихии четыре суща, / и Троицу изъясните, // создавшую сия и мир сотворшую..

Яко утвердися милость Его на нас, // и истина Господня пребывает во век.

Довляше и единою жизнь вдохнути / лежащему сыну служащия, / пророка Елиссея слячение зельно; / обаче обратися седмижды и прекланяшеся ему, / провозвещая яко провидец ваша соборы, / имиже умерщвление Божественнаго Слова водушите, // Ария умертвивше, и его сверстники.

Слава Отцу и Сыну и Святому Духу

[СТИХИРА СВЯТЫХ ОТЦОВ, ГЛАС 6]:

Таинственныя днесь Духа трубы / Богоносныя отцы восхвалим, / песнопевшия посреде Церкви песнь слычную Богословия: / Троицу Едину Непременную, / Существо же и Божество, / низложители Ариевы и православных поборники, / молящияся всегда Господу // помилватися душам нашим.

И ныне и присно и во веки веков. Аминь.

[ДОГМАТИК, ГЛАС 3]:

Како не дивимся / Богомужному Рождеству Твоему, Пречестная? / Искушения бо мужескаго не приемши, Всенепорочная, / родила бо еси без Отца Сына плотию. / Прежде век от Отца рожденнаго без матери, / никакоже претерпевшаго изменения, / или смешения, или деления, / но обою существу свойство цело сохраншаго. / Темже, Мати Дево Владычице, / того моли спастися душам, // православно Богородицу исповедающих Тя.

СВЁТЕ ТИХИЙ святыя славы Безсмертнаго Отца Небеснаго, Святаго, Блаженнаго, Иисусе Христэ! Пришедше на запад солнца, видевше свет вечерний, поём Отца, Сына и Святаго Духа, Бога. Достойн еси во вся времена пет быти гласы преподобными, Сыне Божий, живот даждь; темже мир Тя славит.

ПРОКИМЕН, ГЛАС 6: Господь воцарися, / в лепоту облечеса.

СТИХИ: Облечеса Господь в силу, и препоясася / Ибо утверди вселенную, яже не подвижится / Дому Твоему подобает святыня, Господи, в долготу дний.

СПОДОБИ, ГОСПОДИ, в вечер сей без греха сохранитися нам. Благословен еси, Господи, Боже отец наших, и хвально и прославлено имя Твое во веки. Аминь.

Буди, Господи, милость Твоя на нас, якоже уповаем на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоим.

Господи, милость Твоя во век, дел руку Твоею не презри. Тебе подобает хвала, Тебе подобает пение, Тебе слава подобает. Отцу и Сыну и Святому Духу, ныне и присно и во веки веков. Аминь.

СТИХИРЫ НА СТИХОВНЕ [ВОСКРЕСНЫЕ, ГЛАС 3]:

СТРАСТИЮ ТВОЁЮ, ХРИСТЕ / омрачивый солнце/ и светом Твоего Воскресения,
просветивый всяческая, // прими нашу вечернюю песнь, Человеколюбче.

Господь воцарися, / в лепоту облечёся.

Живопримное Твое востание, Господи, / вселенную всю просвети, / и Твое создание истлевшее
призва. / Темже клятвы Адамовы изменшися, вопием: // Всесильне Господи, слава Тебе.

Ибо утверди вселенную, / яже не подвижется.

Бог сый неизменен, / плотию страждя изменился еси, / Егже тварь не терпящи висяща зрети,
страхом прекланяшися, / и стеньщи поёт Твое долготерпение: / сошед же во ад, тридневен
воскресл еси, // жизнь даруя миру, и велию милость.

Дому Твоему подобает святыня, / Господи, в долготу дней.

Да род наш от смерти, Христe, избавиши, / смерть претепел еси: / и тридневен из мертвых воскрес,
с собою воскресил еси, / иже Тя Бога познавших: / и мир просветил еси. // Господи, слава Тебе.

Слава Отцу и Сыну и Святому Духу

[СТИХИРА СВЯТЫХ ОЦОВ, ГЛАС 5]:

Молбную память днесь Богоносных отцев, / от всея вселенныя собравшихся / во светлем граде
Никейстем, / православных собраниа, благочестующе верно, празднуем: / сии бо лютаго Ария
безбожное веление благочестномудренне низложаша, / и от Кафолическия Церкви соборне того
изгнаша, / и ясно Сына Божия Единосущна и Соприсносущна, прежде век суща, / всех научиша
исповедати во изображении веры, / известно и благочестно сие изложивше. / Темже и мы,
Божественным их повелением последующе, / известно верующе, служим со Отцем Сыну и
Духу Всесвятому // во Едином Божестве, Троице Единосущней.

И ныне и присно и во веки веков. Аминь. [СТИХИРА БОГОРОДИЦЫ, ГЛАС 5]:

Приидите, вси монаси и мирстии, / прославим Пречистую Деву Богородицу: / днесь бо, ради
священныя иконы, / в мори путие Ея и стези Ея в водах многих: / от Никейи бо в столпе Огненне
понт морской ко Афону преходит / и дар пришествием Своим верным подаёт. / Мы же, просвещаемы
лучами благодати, // ходатаицу спасения нашего убожаем.

**НБНЕ ОТПУЩАЕШИ РАБА ТВОЕГО, Владыко, / по глаголу Твоему, с миром; / яко
видеста очи мой спасение Твое, / еже еси уготовал пред лицем всех людей, / свет
во откровение языков, // и славу людей Твоих Израиля.**

ТРОПАРЬ ИВЕРСКОЙ ИКОНЫ БОЖИЕЙ МАТЕРИ, ГЛАС 1 (дважды):

**От святыя иконы Твоея, / о Владычице Богородице, / исцеления и цельбы подаются
обильно / с верою и любовью приходящим к ней, / тако и мою немощь посети, / и душу
мою помилуй, Благая, / и тело исцели // благодатию Твоею, Пречистая.**

ТРОПАРЬ ОЦОВ, ГЛАС 8:

**Препрославлен еси, Христe Бже наш, / светила на земли отцы наша основавый /
и теми ко истинней вере вся ны наставивый, // Многоблагуотробне, слава Тебе.**

ПСАЛОМ 33:

Благословлю Господа на всякое время, / вину хвалы Его во устех моих.
О Господе похвалится душа моя, / да услышат кратцы, и возвеселятся.
Возвеличите Господа со мною, / и вознесем Имя Его вкупе.
Взысках Господа, и услыша мя, / и от всех скорбей моих избави мя.
Приступите к Нему, и просветитесь, / и лица ваша не постыдятся.
Сей нищий воззва, и Господь услыша и, / и от всех скорбей его спасе и.
Ополчится Ангел Господень окрест боящихся Его, / и избавит их.
Вкуси́те и видите, яко благ Господь: / блажен муж, иже уповает Нань.
Бойтесь Господа, вси святии Его, / яко несть лишения боящимся Его.
Богатии обнищаша и взалкаша: / взыскающии же Господа // не лишатся всякаго блага.

КОНЕЦ ВЕЧЕРНИ. НАЧАЛО УТРЕНИ

(выключается свет, читается шестопсалмие: 3, 37, 62, 87, 102, 142 псалмы)

Не используйте листы с богослужебными текстами в хозяйственных нуждах.

БОГ ГОСПОДЬ, И ЯВИСЯ НАМ, БЛАГОСЛОВЕН ГРЯДЫЙ ВО ИМЯ ГОСПОДНЕ

ТРОПАРЬ ВОСКРЕСНЫЙ, ГЛАС 3 (дважды):

ДА ВЕСЕЛЯТСЯ НЕБЕСНАЯ,/ ДА РАДУЮТСЯ ЗЕМНАЯ;/ ЯКО СОТВОРИ ДЕРЖАВУ МЫШЦЕЮ СВОЕЮ
ГОСПОДЬ,/ ПОПРА СМЕРТИЮ СМЕРТЬ,/ ПЕРВЕНЕЦ МЕРТВЫХ БЫСТЬ;/ ИЗ ЧРЕВА АДОВА ИЗБАВИ
НАС, // И ПОДАДЕ МИРОВИ ВЕЛИЮ МИЛОСТЬ.

ТРОПАРЬ ОТЦОВ, ГЛАС 8:

ПРЕПРОСЛАВЛЕН ЕСИ, ХРИСТЕ БОЖЕ НАШ,/ СВЕТИЛА НА ЗЕМЛИ ОТЦЫ НАША ОСНОВАВЫЙ/
И ТЕМИ КО ИСТИННЕЙ ВЕРЕ ВСЯ НЫ НАСТАВИВЫЙ, // МНОГОБЛАГОУТРОБНЕ, СЛАВА ТЕБЕ.

ТРОПАРЬ ИВЕРСКОЙ ИКОНЫ БОЖИЕЙ МАТЕРИ, ГЛАС 1:

ОТ СВЯТЫЯ ИКОНЫ ТВОЕЯ,/ О ВЛАДЫЧИЦЕ БОГОРОДИЦЕ,/ ИСЦЕЛЕНИЯ И ЦЕЛБЫ ПОДАЮТСЯ
ОБИЛЬНО/ С ВЕРОЮ И ЛЮБОВИЮ ПРИХОДЯЩИМ К НЕЙ,/ ТАКО И МОЮ НЕМОЩЬ ПОСЕТИ,/ И ДУШУ
МОЮ ПОМИЛУЙ, БЛАГАЯ, /И ТЕЛО ИСЦЕЛИ// БЛАГОДАТИЮ ТВОЕЮ, ПРЕЧИСТАЯ.

...ДАЛЕЕ ЧИТАЮТСЯ КАФИЗМЫ...

*(по уставу положено читать 2 кафизмы, но в разных храмах в зависимости от традиции,
чтение псалтири может быть сокращено до нескольких псалмов или вовсе пропущено)*

ТРОПАРИ «ПО НЕПОРОЧНЫХ», ГЛАС 5:

Благословен еси, Господи,/ научи мя оправданием Твоим.

АНГЕЛЬСКИЙ СОБОР УДИВИСЯ, / ЗРЯ ТЕБЕ В МЕРТВЫХ ВМЕНИВШАСЯ, / СМЕРТНУЮ ЖЕ, СПАСЕ, КРЕПОСТЬ
РАЗОРИША, / И С СОБОЮ АДАМА ВОЗДВИГША, // И ОТ АДА ВСЯ СВОБОЖДША.

Благословен еси, Господи,/ научи мя оправданием Твоим.

ПОЧТО МУРА С МИЛОСТИВНЫМИ СЛЕЗАМИ, / О УЧЕНИЦЫ РАСТВОРЯЕТЕ? / БЛИСТАЯЙСЯ ВО ГРОБЕ АНГЕЛ /
МУРОНОСИЦАМ ВЕЩАШЕ: / ВИДИТЕ ВЫ ГРОБ И УРАЗУМЕЙТЕ, // СПАС БО ВОСКРЕСЕ ОТ ГРОБА.

Благословен еси, Господи,/ научи мя оправданием Твоим.

ЗЕЛО РАНО МУРОНОСИЦЫ ТЕЧАХУ / КО ГРОБУ ТВОЕМУ РЫДАЮЩИЯ, / НО ПРЕСТА К НИМ АНГЕЛ, И РЕЧЕ: /
РЫДАНИЯ ВРЕМЯ ПРЕСТА, НЕ ПЛАЧИТЕ, // ВОСКРЕСЕНИЕ ЖЕ АПОСТОЛОМ РЦЫТЕ.

Благословен еси, Господи,/ научи мя оправданием Твоим.

МУРОНОСИЦЫ ЖЕНЫ, С МИРЫ ПРИШЕДША / КО ГРОБУ ТВОЕМУ, СПАСЕ, РЫДАХУ, / АНГЕЛ ЖЕ К НИМ РЕЧЕ,
ГЛАГОЛЯ: / ЧТО С МЕРТВЫМИ ЖИВАГО ПОМЫШЛЯЕТЕ? // ЯКО БОГ БО ВОСКРЕСЕ ОТ ГРОБА.

СЛАВА: Поклонимся Отцу,/ и Его Сынови, и Святому Духу,/ Святей Троице во едином существе, с
Серафимы зовуще:/ Свят, Свят, Свят еси, Господи.

И НЫНЕ: Жизнодавца рождши,/ грехА, Дево, Адама избавила еси,/ радость же Еве в печали место
подала еси;/ падшия же от жизни/ к сей направи, // из Тебе воплотивыйся Бог и человек.

ПРОКИМЕН, гл.3: Рцыте во языцех, яко Господь воцарися,/ и бо исправи вселенную, яже не подвижится

Стих: Воспойте Господеву песнь нову, воспойте Господеву вся земля.

ЕВАНГЕЛИЕ ОТ ИОАННА (гл.20:19-31) — перевод на русский язык

В тот первый день недели вечером, когда двери дома, где собирались ученики Его, были заперты из опасения от Иудеев, пришел Иисус, и стал посреди, и говорит им: мир вам! Сказав это, Он показал им руки и ноги и ребра Свои. Ученики обрадовались, увидев Господа. Иисус же сказал им вторично: мир вам! как послал Меня Отец, так и Я посылаю вас. Сказав это, дунул, и говорит им: примите Духа Святого. Кому простите грехи, тому простятся; на ком оставите, на том останутся. Фома же, один из двенадцати, называемый Близнец, не был тут с ними, когда приходил Иисус. Другие ученики сказали ему: мы видели Господа. Но он сказал им: если не увижу на руках Его ран от гвоздей, и не вложу перста моего в раны от гвоздей, и не вложу руки моей в ребра Его, не поверю. После восьми дней опять были в доме ученики Его, и Фома с ними. Пришел Иисус, когда двери были заперты, стал посреди них и сказал: мир вам! Потом говорит Фоме: подай перст твой сюда и посмотри руки Мои; подай руку твою и вложи в ребра Мои; и не будь неверующим, но верующим. Фома сказал Ему в ответ: Господь мой и Бог мой! Иисус говорит ему: ты поверил, потому что увидел Меня; блаженны невидевшие и уверовавшие. Много сотворил Иисус пред учениками Своими и других чудес, о которых не писано в книге сей. Это же написано, дабы вы уверовали, что Иисус есть Христос, Сын Божий, и, веруя, имели жизнь во имя Его.

Не используйте листы с богослужебными текстами в хозяйственных нуждах.

ВОСКРЕСЕНИЕ ХРИСТОВО ВИДЕВШЕ, поклонимся Святому Господу Иисусу,
единому безгрешному,
Кресту Твоему поклоняемся, Христэ,
и святое Воскресение Твое поем и славим:
Ты бо еси Бог наш,
разве Тебе иного не знаем,
имя Твое именуем.
Приидите вси вернии,
поклонимся Святому Христову Воскресению:
се бо прииде Крестом радость всему миру.
Всегда благословяще Господа,
поем Воскресение Его:
распятие бо претерпёв,
смертию смерть разруши.

СЛАВА: Молитвами апостолов,
Милостиве, очисти
множество согрешений наших.

И НЫНЕ: Молитвами Богородицы,
Милостиве, очисти
множество согрешений наших.

Помилуй мя, Боже,
по велицей милости Твоей,
и по множеству щедрот Твоих
очисти беззаконие мое.

Воскрес Иисус от гроба,
якоже прорече,
даде нам живот вечный
и велию милость.

КАНОН ПРАЗДНИКА:

Во время помазания прихожан елеем читаются каноны Воскресения, Богородицы и св.отцов VII Вселенского собора, в которых раскрывается смысл и красота празднуемых сегодня Церковью событий. Ниже приведены катавасии Успения, завершающие каждую песнь:

ПЕСНЬ 1: Преукрашенная Божественною славою,
священная и славная, Дево,
память Твоя вся собра
к веселию верных,
начинающей Мариаме,
с лики и тимпаны,
Твоему поющая
Единородному:
славно яко прославися.

ПЕСНЬ 3: Содетельная и содержительная всех
Божия Мудросте и Сило,
непреклонну, недвижиму
Церковь утверди,
Христэ,
един бо еси Свят,
во святых почиваяй.

КОНДАК ВОСКРЕСНЫЙ, ГЛАС 3: Воскресл еси днесь из гроба,
Щедре,
и нас возвел еси от врат
смертных,
днесь адам ликует,
и радуется Ева,
вкупе же и пророцы с патриархи
воспевают непрестанно
Божественную державу
власти Твоея.

ПЕСНЬ 4: Речи пророков и гадания
воплощение проявиша от Девы Твое,
Христэ:
сияние блистания Твоего
во свет языков изыдет,
и возгласит Тебе бездна
с веселием:
силе Твоей слава,
Человеколюбче.

ПЕСНЬ 5: Божию и неизреченную доброту
добродетелей Твоих, Христэ,
исповем:
от присносущных бо славы
соприсносущное и ипостасное
возсиявый сияние,
из девственных утробы
сущим во тьме и сени
воплощся,
возсиял еси Солнце.

ПЕСНЬ 6: Морский пучинородный китов
внутренний огонь
тридневнога Твоего погребения
прображение,
егоже Иона пророк
показася,
спасен бо, яко и предпослася,
неврежден, вопияше:
пожру Ти со гласом хваления,
Господи.

КОНДАК ОТЦОВ, ГЛАС 6: Иже из Отца
возсияв, Сын неизреченно
из Жены родися,
сугуб естеством,
егоже видяще,
не отменяем зрака
изображения,
но, сие благочестно начертаяще,
почитаем верно.
И сего ради истинную веру
Церковь держащи,
лобызает икону
вочеловечения Христова.

ПЕСНЬ 7: Безстудней ярости же и огню
Божественное желание
сопротивляясь,
огнь убо орошаше,
ярости же смеяшеся,
богодохновенною
словесною преподобных
тривещанною цевницею
противовещая
музыкальским органом
посреди пламене:
препрославленный
отцев и наш Боже,
благословен еси.

ПЕСНЬ 8: Хвалим, благословим,
поклоняемся Господеви,
поюще и превозносяще
во вся веки.

Пламень, орошающ
преподобныя,
злочестивыя же
попалаяющ,
Ангел Божий
всемощный
показав отроком,
живоначальный
же источник
содела Богородицу,
тлю смерти
и живот точашу
поющим:
Содетеля
единого
пойм,
избавлении,
и превозносим
во вся веки.

ПЕСНЬ ПРЕСВЯТОЙ БОГОРОДИЦЫ: Величит душа
Моя Господа
и возрадовася дух Мой
о Бозе Спасе Моем
Честнейшую Херувим
и славнейшую
без сравнения
Серафим,
без исления
Бога Слова
рождшую,
сущую Богородицу,
Тя величаем.

Яко призре на смирение рабы
Своея,
се бо, от ныне
ублажат
Мя
все роды.

Яко сотвори Мне величие
Сильный,
и свято имя
Его,
и милость
Его
в роды
родов
боящимся
Его.

Сотвори державу
мышцею
Своею,
расточил
гордыя
мыслию
сердца
их.

Низложи
сильныя
со престол,
и вознесе
смиранныя,
алчущия
исполни
благ,
и богатящия
отпусти
тщи.

Восприят
Израиля
отрока
Своего,
помянути
милости,
якоже глагола
ко отцем
нашим,
Аврааму
и семени
его
даже
до
века.

Не используйте листы с богослужебными текстами в хозяйственных нуждах.

**ПЕСНЬ 9: ПОБЕЖДАЮТСЯ ЕСТЕСТВА УСТАВЫ/ В ТЕБЕ, ДЕВО ЧИСТАЯ:/ ДЕВСТВУЕТ БО РОЖДЕСТВО И ЖИВОТ
ПРЕДОБРУЧАЕТ СМЕРТЬ;/ ПО РОЖДЕСТВЕ ДЕВА И ПО СМЕРТИ ЖИВА,// СПАСАЕШИ ПРИСНО, БОГОРОДИЦЕ,
НАСЛЕДИЕ ТВОЕ.**

ПОСЛЕ КАНОНА:

СТИХИРЫ НА ХВАЛИТЕХ [ВОСКРЕСНЫЕ, ГЛАС 3]:

ВСЯКОЕ ДЫХАНИЕ ДА ХВАЛИТ ГОСПОДА.

Хвалите Господа с небес,/ хвалите Его в вышних.// Тебе подобает песнь Бóгу.

Хвалите Его вси ангели Его,/ хвалите Его вся силы Его.// Тебе подобает песнь Бóгу.

Сотвори́ти в них суд написан:/ сла́ва сия́ будет всем преподо́бным Его́.

ПРИИДИ́ТЕ ВСИ ЯЗЫ́ЦЫ,/ УРАЗУМЕ́ЙТЕ СТРА́ШНЫЯ ТА́ЙНЫ СИ́ЛУ:/ ХРИСТО́С БО СПАС НАШ, ЕЖЕ В НАЧА́ЛЕ
СЛÓВО,/ РАСПЯ́ТСЯ НАС РА́ДИ, И ВО́ЛЕЮ ПОГРЕБЕ́СЯ,/ И ВОСКРЕ́СЕ ИЗ МЕРТ́ВЫХ, ЕЖЕ СПАСИ́ТИ ВСЯ́ЧЕСКАЯ://
ТОМУ́ ПОКЛОНИ́МСЯ.

Хвалите Бóга во святых Его́,/ хвалите Его́ в утверждении силы Его́.

ПОВЕДА́ША ВСЯ ЧУДЕСА́/ СТРА́ЖИЕ ТВОЕ́, ГОСПОДИ,/ НО СОБО́Р СУЕ́ТЫ ИСПО́ЛНИ МЗДО́Ю ДЕСНИ́ЦУ ИХ,/
СКРЫ́ТИ МНЯ́ШЕ ВОСКРЕ́СЕНИЕ ТВОЕ́,// ЕЖЕ МИР СЛА́ВИТ: ПОМИ́ЛУЙ НАС.

Хвалите Его́ на силах Его́,/ хвалите Его́ по множеству величества Его́.

РА́ДОСТИ ВСЯ ИСПО́ЛНИШАСЯ/ ВОСКРЕ́СЕНИЯ ИСКУ́С ПРИИ́МША:/ МАРИ́Я БО МАГДАЛИ́НА КО ГРО́БУ ПРИИ́ДЕ,/
ОБРЕ́ТЕ А́НГЕЛА НА КА́МЕНИ СЕДЯ́ЩА,/ РИ́ЗАМИ БЛИСТА́ЮЩАСЯ И ГЛАГО́ЛЮЩА:/ ЧТО И́ЩЕТЕ ЖИВА́ГО С
МЕРТ́ВЫМИ?/ НЕСТЬ ЗДЕ, НО ВОСТА́, Я́КОЖЕ РЕЧЕ́,// ПРЕДВА́РЯЯ ВЫ В ГАЛИ́ЛЕИ.

Глас 4: Хвалите Его́ во гласе тру́бнем,/ хвалите Его́ во псалти́ри и гу́слех. [СТИХИРЫ БОГОРОДИЦЫ]:

О, НЕСКАЗА́ННЫЯ БЛА́ГОСТИ!// О, СЛА́ВНАГО ЯВЛЕНИЯ́ ИКО́НЫ БОГОМА́ТЕРЕ,/ Я́ЖЕ СИ́ЯЕТ ЧУДЕСА́ И
ПРОСВЕЩА́ЕТ БЛАГОДА́ТИЮ ВЕР́НО ПРИХО́ДЯЩАЯ!/ Ю́ЖЕ С ВЕСЕ́ЛИЕМ ПРИЕ́МЛЮЩЕ,/ ЧИ́СТУЮ
БОГООТРОКОВИ́ЦУ// ДОСТОДО́ЛЖНО ПЕ́СНЬМИ ПОЧИТА́ЕМ И УБЛАЖА́ЕМ.

Хвалите Его́ в тимпане и лице,/ хвалите Его́ во струнах и органе.

О, ПРЕСЛА́ВНАГО ТВОЕГО́ О НАС, ВЛА́ДЫЧИЦЕ, ПРОМЫШЛЕНИЯ́!/ ЧУ́ДНУЮ БО ТВОЮ́ ИКО́НУ А́ФОНУ
ПОСЫЛА́ЕШИ/ И Я́КО СТРА́ЖА НАМ НЕУСЫ́ПНА ТУ́Ю ПОДА́ЕШИ МИ́ЛОСТИВНО/ И УТЕШЕНИЕ́ СТРА́НСТВИ́Ю
НА́ШЕМУ.// ТЕ́МЖЕ, ПОЗНА́ВШЕ ТВОЯ́ ЧЕСТНА́Я ЧУДЕСА́, ПЕ́СНЬМИ ТЯ ВЕЛИЧА́ЕМ.

**Хвалите Его́ в кимвалех dobroгласных, хвалите Его́ в кимвалех восклицания,/ Всякое дыхание
да хвалит Господа.**

ТВОЙ ГЛАГО́Л ИСПО́ЛНЯЯ, БОГОМА́ТИ,/ ПРА́ВЕДНЫЙ ГАВРИ́ИЛ НЕМО́КРЕННО ПО ВОДЕ́ МО́РСТЕЙ
ПЕШЕШЕСТ́ВОВА/ И, ВОСПРИ́ИМ СВЯЩЕ́ННУЮ ИКО́НУ ТВОЮ́,/ ЛИ́К ПЕ́СНЕННЫЙ СОСТА́ВИ/ И ТОРЖЕСТ́ВО С
ПО́СТНИКИ А́ФОНСКИМИ СОВОКУ́ПИ./ ТЕ́МЖЕ И МЫ, УДИВЛЯ́ЮЩЕСЯ, ВОПИ́ЕМ ПЕРВОВИ́НОВНОМУ:/ СЛА́ВА ТЕБЕ́,
СОТВО́РШЕМУ ДИ́ВНАЯ,/ ЕДИ́НОМУ ЦА́РЮ И БО́ГУ, МОЛИ́ТВ РА́ДИ БОГОРО́ДИЦЫ!// СОХРАНИ́ ЛЮ́ДИ
ХРИСТИА́НСКИЯ// И ПОБЕ́ДЫ НА ВРА́ГИ ДА́РУЙ, Я́КО ВСЕСИ́ПЕН.

**Глас 6: Благословен еси́, Господи, Бо́же отец наших,/ и хва́льно и просла́влено И́мя Твое́ во
ве́ки.**

[СТИХИРЫ СВЯТЫХ ОТЦОВ]:

ВСЕ СОБРА́ВШЕ ДУШЕ́ВНОЕ ХУДО́ЖЕСТВО,/ И БОЖЕ́СТВЕННЫМ ДУ́ХОМ РАЗСМОТРИ́ВШЕ,/ НЕБЕ́СНЫЙ И
ЧЕСТНЫ́Й СИ́МВОЛ ВЕ́РЫ/ ЧЕСТНЫ́И ОТЦЫ́ БОГОПИ́СА́ННЕ НАЧЕРТА́ША;/ В НЕ́МЖЕ Я́ВСТВЕННЕЙ́ШЕ/ РО́ЖДШЕМУ
СОБЕЗНАЧА́ЛЬНАГО СЛÓВА НАУЧА́ЮТ/ И ВСЕИ́СТИННО ЕДИ́НОСУ́ЩНАГО,/ АПО́СТОЛЬСКИМ ПОСЛЕ́ДУЮЩЕ
ПРОЯВЛЕ́ННО УЧЕ́НИЕМ,/ БЛАГОСЛÓВНИИ И ПРЕБО́ГАТИИ И́СТИННО,// И БОГОМУ́ДРИИ.

Соберите Ему́/ преподо́бныя Его́.

ВСЕ ПРИЕ́МШЕ, У́МНОЕ СИ́ЯНИЕ СВЯТА́ГО ДУ́ХА,/ ПРЕЕСТЕ́СТВЕННЕЙ́ШЕЕ БЛАГОСЛÓВИЕ/ КРА́ТКИМИ ГЛАГО́ЛЫ И
МНО́ГИМ РА́ЗУМОМ/ БОГОДОХНОВЕ́ННО ПРОВЕЩА́ША,/ Я́КО ХРИСТО́ВЫ ПРОПОВЕ́ДНИЦЫ,/ ЕВА́НГЕЛЬСКИХ
ПРЕДСТА́ТЕЛИЕ УЧЕ́НИЙ, БЛАЖЕ́ННИИ,/ И БЛАГОЧЕ́СТИВЫХ ПРЕДА́НИЙ,/ СВЫ́ШЕ ПРИЕ́МШЕ СИХ ОТКРОВЕ́НИЕ
Я́ВЕ// И ПРОСВЕ́ЩШЕСЯ, ИЗЛОЖИ́ША ВЕ́РУ БОГОНАУЧЕ́ННУЮ.

Сла́ва Отцу́ и Сы́ну и Свято́му Ду́ху.

[СТИХИРА СВЯТЫХ ОТЦОВ, ГЛАС 8]:

СВЯТЫ́Х ОТЦЕ́В ЛИ́К,/ ОТ КОНЕ́Ц ВСЕЛЕН́НЫЯ СТЕ́КШИЙСЯ,/ ОТЦА́, И СЫ́НА, И ДУ́ХА СВЯТА́ГО,/ ЕДИ́НО
СУЩЕСТ́ВО НАУЧИ́ША И ЕСТЕСТ́ВО,/ И ТА́ЙНУ БОГОСЛÓВИА Я́СНО ПРЕДА́ША ЦЕ́РКВИ;/ И́ЖЕ, ПОХВА́ЛЯЮЩЕ
ВЕ́РОЮ, УБЛАЖИ́М, ГЛАГО́ЛЮЩЕ:/ О БОЖЕ́СТВЕННЫЙ ПО́ЛЧЕ,/ БОГОГЛАГО́ЛИВИИ ОРУ́ЖНИЦЫ ОПО́ЛЧЕНИЯ
ГОСПО́ДНЯ,/ ЗВЕ́ЗДЫ МНОГОСВЕ́ТЛЫЯ МЫ́СЛЕННЫЯ ТВЕ́РДИ,/ ТА́ИНСТВЕННАГО СИ́ОНА НЕОБОРИ́МИИ СТОЛПИ́,/
МИРОДОХНОВЕ́ННИИ ЦВЕ́ТИ РА́ЙСТИИ,/ ВСЕЗЛА́ТАЯ УСТА́ СЛÓВА,/ НИКЕ́ЙСКАЯ ПОХВА́ЛО, ВСЕЛЕН́НЫЯ
УКРАШЕ́НИЕ,// ПРИЛЕ́ЖНО МОЛИ́ТЕСЯ О ДУША́Х НА́ШИХ.

И НЫ́НЕ [гл.2]: ПРЕБЛАГОСЛОВЕ́ННА ЕСИ́, БОГОРО́ДИЦЕ ДЕ́ВО,/ ВОПЛО́ЩШИМ БО СЯ ИЗ ТЕБЕ́ АД ПЛЕНИ́СЯ,
АДА́М ВОЗЗВА́СЯ,/ КЛЯ́ТВА ПОТРЕБИ́СЯ,/ ЕВА́ СВОБОДИ́СЯ,/ СМЕР́ТЬ УМЕРТВИ́СЯ, И МЫ ОЖИ́ХОМ./ ТЕ́М
ВОСПЕВА́ЮЩЕ ВОПИ́ЕМ:/ БЛАГОСЛОВЕ́Н ХРИСТО́С БОГ,// БЛАГОВОЛИ́ВШИ ТА́КО, СЛА́ВА ТЕБЕ́.